

## MUNDUA BETI BAT



Ez dakit dan guzurra, ala dan egia,  
Kontu zarretan baña, au dago jarria.

Korsario andi bat Alejandro gana  
Lotuta izan ei zan baten eroana,  
Eta ikusitean aurrean Erregek,  
Zuzendu eutsazala asarrez itz oneek.

¿Ez al daukak lotsarik ichas zabaletan,  
Ibilteko al duan danai lapurretan?

Ta eranzun ei eutsan bertatik presuak:  
Egia da lapurtzat naukala munduak,  
Zergaitik bizi nazan iñori ostuta,  
Ai dodan guztiari daukana kenduta;  
Bazenbiltza ni legez, bakarrik zeu bere,  
Lapurra zareala esango leukie;  
Baña, deitzen deutsue, Errege andia,  
Zeuregandu nai izan arren lur guztia;  
Ikusirik inguruz ainbeste armadun,  
Egiten deutsuenak jabetuten lagun.

*¡Zeiñbati oi deutsalgu egiñ agur ona  
Bada ondasun asko dituan gizona,  
Egiñak izan arren al diran moduan  
Ondradutzat iragoten dirala munduan!*

FELIPE ARRESE TA BEITIA.